

零陵縣志卷十二

事紀 兵制 寇變 祥異

我

朝威武奮揚修飾戎備凡關塞衝阨之處種落叢錯之鄉莫不設重兵以鎮撫之專闕建牙巋然蕃表稽儲威銳式遏覬覦寇騎騰凌迄不獲逞循其守戰之方固有資於懲毖者矣祥異之說蓋援漢天文五行之義古今理亂興替之機所繇著也夫黃霸善政而鳳皇至張堪致誠而火災息本人事以洽天心其靈感冥應尤事理之大可據依者備彰幽渺鑑悟方來固宜不廢斯義

兵制

永州鎮中營中軍游擊守備駐劄縣城其管轄有右哨千

零陵縣志

卷十二

事紀

兵制

一

總署有

游防西南陸路左哨頭司把總

署有

游防東北陸路右

哨二司把總

署無

簽差護解右哨頭司把總

署無

協防差遣左

右頭貳司額外外委存城兵二百九十一名其分防縣屬有冷水灘汛左哨頭司外委千總領防兵三十八名土馬鋪汛右哨頭司外委把總領防兵四十四名其右營分駐縣城者有左哨頭司外委千總

往來差遣

領兵四十六名

永州鎮標中營乾隆時原額馬步戰守兵丁七百四十九名嘉慶五年移撥鎮筭名糧五十分嘉慶九年移歸保靖芭茅坪名糧六分嘉慶二十年移歸嶺東營名糧六十三分道光十三年裁減馬步兵十三名道光二十五年移歸耒陽兵丁二名道光三十年移歸新平營兵丁三名咸豐五年裁馬改步兵九名同治三年裁馬步戰守兵丁一百

二十三名現存兵丁四百九十四名內除祁陽一百零七名東安五十八名其屬縣內者共三百二十九名

教場

在正南門外景泰庚午冬予奉命張旬宣兼督湖武亭

發餉巨細未息繼值武岡內寇二年邊患正寢不已事暴於

當事而封章命上聞與渠魁賊黨提兵或送京民聽劾遂督有司

率運兵糧參芻萬軍會合大進先卒是鄉人五千顧淵馳傳一刻

告予曰此漢八諸葛曰武侯八陣圖也舞風揚龍飛虎翼中翔者

蛇蟠此蓋有居所之大索而思之已成過其半三名索而求之頃

心領不神敗亂所謂不奇亂相生無端靡而不備不寓斷而再

拜請試以之進日申集武昌令布其於大演陣井然可觀乃知武

雖在神途千手不如釋圖窮研玩故以軍水陸為程直其遺寶慶

第變更亦三十二陣起於天終貫珠又月復因一變大化無窮次

零陵縣志

卷十一

事紀

兵制

二

而相生不時已諸將分以苗小夷聽二軍皆通不計至九且六苗者各伏予所

皆領妄將必復饋為患就苗所領軍民於順寶慶予習不此行則陣前又言

於壤如陽今春相四煽厥患甚速復造永合十彼軍民源洞習與四日

以布下皆曰五源洞之苗往二易於亭此觀此軍容之郡守衛官

也奇而將告曰蒙予所竄以伏周旋郡邑訓方來之安者豈欲大以人

善哉善兵法也雖百戰能古非善舞之者為也蓋亦將以屈人軍威

政司苗參政畏服捕安邊司僉事程廷學付偕永州府茲知府侯昌

奉之請姑撫湖廣資政大夫都察院右都御史李實記

會哨

東陸路與甯遠交界之響鼓嶺會哨

南陸路與

道州交界之出水巖麻灘二處會哨

西陸路與東安交

界之義男橋會哨

又與廣西全州交界之丫岔嶺並棗

木嶺二處會哨

又水路與東安交界之曹家壩水汲江

二處會哨 北陸路與祁陽交界之界牌會哨 又水路與祁陽之滴水巖會哨

塘汛 東陸路雙江塘 吊橋塘 朱家亭塘 大河塘 東小陸路郵亭塘

俱平易各置防卒二名 南陸路大江鋪塘 范家鋪塘 單江塘

鋪塘 俱平易各置防卒二名 西陸路楓木鋪塘 茅栗鋪塘

磨車鋪塘 獨田鋪塘 俱衝要各置防卒四名 西小陸路

龍塘 平易置防卒二名 北陸路永泉鋪塘 梁木鋪塘 凍青

鋪塘 橋鋪塘 俱衝要名置防卒四名 北小陸路祖江塘 係市鎮

置防卒二名 西水路任村鋪塘 通粵衝要各置防卒三

名 北水路畧江口塘 木瓜埠塘 黑狗灘塘 高溪司塘 俱

湘水上游衝要各置防卒三名 分汛冷水塘 近城老埠塘 俱

湘口要隘各置防卒四名

零陵縣志 卷十二 事紀 兵制 三

寇變

漢

和帝永元四年零陵蠻與武陵澧中並叛

安帝元初三年零陵蠻羊孫陳湯等著赤幘稱將軍燒官

署鈔掠百姓州郡募善蠻討平之

桓帝延熹五年夏五月長沙零陵賊起攻桂陽蒼梧南海

交趾遣御史中丞盛修督州郡討之不克八月零陵蠻復

叛以馮緄為車騎將軍將兵討之賊悉平

七年秋七月荊州刺史度尚擊零陵桂陽盜賊蠻夷大破

平之

八年桂陽胡蘭朱蓋等反寇零陵太守陳球遣中郎將度

尚大破斬之

中平四年零陵人觀鵠自稱平天將軍寇桂陽長沙太守孫堅擊斬之

獻帝建安三年零陵太守張羨率劉表攻零陵克之

二十四年吳寇襲荊州零陵等郡失守

後帝延熹二年冬十月吳蔣祕部將廖式反攻零陵諸郡遣日岱唐咨討之

十八年吳陸凱討山賊陳毖於零陵斬之

晉

惠帝永甯二年義陽蠻張昌反攻陷江南諸郡零陵太守孔統拒寇死

懷帝永嘉五年春正月湘州流人杜弢據長沙反南犯零陵陶侃等討之弢將杜宏詣零陵太守尹奉降

零陵縣志

卷十二

事紀

寇變

四

夏五月益州流人汝班梁州流人蹇撫作亂於湘州虜刺史荀眺南破零桂諸郡

愍帝建興三年陶侃周訪等平杜弢

東晉

安帝元興二年秋九月桓元自爲楚王領十郡零陵陷於元

三年桓元伏誅

義熙元年劉毅斬僞零陵太守劉叔祖於臨章

二年冬十二月盜殺零陵太守阮野

乾元元年西原蠻叛至是進攻永州

二年西原賊寇永邵二州城陷尋棄城去

梁

高祖大同九年零陵莫徭蠻平

元帝承聖元年冬十月湘州賊陸納反十一月陷衡州刺史丁道貴走零陵十二月營州刺史李洪雅舉兵自零陵討納不克詔使王僧辯陳霸先討之

唐

元宗開元十二年發永道等州兵征蠻

代宗廣德二年西原賊進寇永邵兩州城陷尋棄城去
僖宗乾符六年秋黃巢破廣州北還自桂州下衡永李係大敗是歲湘南饑溪峒諸蠻皆剽掠

昭宗龍紀元年零陵人唐行旻殺永州刺史鄭蔚據其城
光化元年夏五月馬殷陷永州刺史唐行旻死之

周

零陵縣志

卷十二

事紀

寇變

五

世宗顯德三年湖南蠻獠爲亂聚眾十餘萬至周行逢時數出寇邊逼辰永二州殺掠無甯歲

宋

淳祐四年秋七月盜發永州東安縣詔飛虎軍正將吳龍統制鄭存等討捕之

景定元年蒙古兵破永州

端宗景炎二年羅飛起兵復祁陽圍永州七月不克
元

世祖至元二十五年湖南盜詹一仔誘衡永寶慶武岡人嘯聚四望山爲亂行樞密院劉國傑破平之

二十七年寶永寇入新甯秋八月永州盜李末子于七寇全州殺長官劉國傑討斬之

惠宗至正八年峒寇薄永州總管木撒戰卻之
二十四年冬十月元左丞鄧祖勝棄衡州城走永州
二十七年秋寇亂永寶中書左丞奉命討平之明年餘黨
又作檄宣慰副使楊昭勇督師又平之
二十八年明洪武元年春楊璟取永州路夏四月丁巳克
其城元左丞鄧祖勝死之

明

太祖洪武七年夏四月壬寅金吾指揮陸齡討永道諸州
蠻平之

世宗嘉靖二十七年連山賊李今與賀縣賊倪仲亮等出
沒衡永等州兩廣總督張岳會湖南兵討平之
三十三年衡永寇起

零陵縣志

卷十二

事紀

寇變

六

莊烈帝崇禎十年臨藍寇起破祁陽城犯永州守道蔡官
治拒於湘口兵潰殺掠居民出東安水道入廣十一年復
犯永州尋轉入道州

十六年秋七月朔馮異追祁陽王禋汙犯永州焚劫城外
民舍數千家署永州守吳晉錫率唐鎔等討平之

八月流賊張獻忠寇衡州巡按劉熙祚奉吉王慈燿惠王
常潤桂王常瀛奔永州獻忠自追之將偪永熙祚命中軍
護遂三王入廣西過石磯跼賊追及兵巡道中軍王上庸
力戰死之庚辰永州陷熙祚死之零陵諸生唐虞一陳純
恕赴廣西告急總兵楊國成率師復永州丁亥 大清兵
克永州設知府守之明副將周金湯夜乘虛襲城知府走

國朝

順治元年明何騰蛟巡撫湖南尋進總督表堵允錫傅上瑞爲巡撫令嚴起恒督衡永二郡軍食四年大兵克永州設官招民湖南悉定

五年秋七月明何騰蛟攻永州故御史劉興秀爲內應事覺死之冬十月明兵破永州

舊志粵兵七月十七日圍城至百餘日無援餉匱兵食城中居民殆盡時巫童蔣應覺代父爲兵所食

六年李赤心掠衡永走廣西

秋八月大兵至永州明周金湯熊兆藻立柵大松橋拒戰敗之下其城

十年春二月明李定國率將馬進忠攻永州三月大兵擊明降寇孫可望於寶慶復自永州逆擊之遂及馮雙禮大戰於周家坡可望與雙禮合軍大兵分路擊敗之可望遁

零陵縣志

卷十二 事紀

寇變

七

走貴州冬十二月可望將賀九儀復陷新甯武岡永州戒嚴

康熙元年冬十月富川恭城猺賊寇永明江華永州大震三年正月猺賊廖文胆遁入白雲巢 詔楚粵會討湖廣總督張長庚檄永道兵夾擊之夏六月平

十三年二月吳三桂陷長寶衡永郴諸郡十四年春三桂索民布繢器物供其軍夏六月預徵丙辰年地丁賦秋七月徵漕南米解萍鄉賊餉

十五年三桂重徵民賦並索棉豆粟米及船馬夫十八年三月大兵復寶慶吳國貴等遁永州將軍穆占敗

之遂復永州

舊志三月逆兵大隊至永民逃於澹山巖右側巖內近八百人為逆兵縱火薰死無存

者是時逆寇焚擄福田鄉居民避居於小木口山中適淫雨如注凍飢而死與被虜者千有餘人又永泉鄉居民因

寇擄掠避迹於壽塘巖逆兵以火攻之死無數下辛樂里居民避亂於桴江之上逆兵追殺甚迫男婦赴江死者近千人

二十六年永州大旱徭民多刦掠

道光十一年冬江華徭趙金龍叛除夕警至時承平日久驟聞亂多惶猝無措士民競逃避之

二十六年甯遠雷再浩藍元曠滋事邑城戒嚴

二十七年新甯李元發叛邑城警

咸豐二年粵匪洪秀全由全州犯零將薄城以大水不得渡乃捉隊屯河西時總兵孫應照知府徐嘉瑞知縣胡廷槐等督兵堵西城賊列陣愚溪橋與相敵一賊酋衣黃者方踞馬上指麾城上兵然大礮擊斃之諜知爲僞東王某賊既奪氣又以大水難驟退遂去道州邑城解嚴時惟西

零陵縣志

卷十二事紀

寇變

八

境辛興隆慶及南境進賢鄉各里當賊衝者爲所擾餘皆安堵如故賊既去大學士睿尙阿統軍駐永凡數月三年三月東安土匪周宗聖零陵土匪劉某起事於月塘遊擊安長太往捕斬之九月東安土匪周大武零陵土匪魯維華唐三瞎子等鈔掠邑西鄉一帶知府黃文琛遣遊擊□元泰訓導舒時煜擊平之

四年紅巾賊朱洪英陷東安邑西鄉爲所擾時道甯永江新各邑土匪皆隨起而甯邑匪酋陳二黃二復竄邑辛樂洞焚燒劫掠居民多被其害次年始平

五年粵匪黃金亮陷江華永明邑城戒嚴

七年黃金亮馬廷科陷新安圍全州邑城戒嚴

九年粵逆石達開率眾數十萬窺永州先是石逆自金陵

分黨擾江西南安一帶蹂躪殆徧無能撓其鋒由南安直趨楚邊二月十四夜永郡得警報賊由桂東破桂陽郴州宜章等處電驟颺馳晝夜奔竄知府楊翰知其必注永州卽夜曾署總兵侯光裕力籌戰守之策時永無一軍所有府勇五百名先已出防計賊旬日必到城下適東安令李右文在郡言新甯有在籍候選劉道長佑江守忠義練軍數千人乃巡撫駱公秉章畱備調遣又有余星元楊恆升李金暘各軍俱去永不遠迅卽飛請檄援永州派郡紳分往各鄉召募卽日得千餘人發給廩穀餉錢入城固守部署甫定三月初三日賊由白水嶺薄郡城知府見事急與侯署鎮約侯守北門知府與守備駱元泰守東門千總方振鵬守南門餘四門隔水尙無慮是日烽火亘天知府與

闔邑士民誓死守男丁無老幼悉登陴婦女守門戶燈火達旦聲威甚壯黎明賊至城下逼城而壘旗幟列東北無數如林木然遂三面環攻時城中兵勇纔千餘堵守多缺然抵死無懈志向賊眾施大礮擊斃數人又斃大旗賊目一人賊稍退知府令敢死數十人用火彈燒賊踞民房不與戰用雲梯接歸城上來追賊以礮擊之賊伏不動初五日風雨大作燈燭盡滅望城外茫茫如墨海賊狂叫圍攻萬分危急知府楊翰望黃溪神叩禱令守城者各手一燈立勿動時寒噤人顫栗不能支知府告以生死關係此時以故人人自奮但聞槍礮聲與風雨聲相迸擊怪鳥呼號徹旦聲甚厲賊不敢近未幾天放明而風雨止賊亦退却知府復捐錢五百千令知縣施濟捐錢百千勞軍士人益

樂爲用初六日賊復攻愈聚愈眾援兵尙未至惟堅守不戰以待諸軍而已初劉道長佑奉撫檄令所部迅赴長沙調遣得永州告警信已開行至祁陽值郡城危急正游移間縣令劉達善力挽至郡詞意迫切至泣下劉乃候諜者至以定行止適卸任道州署岳州府馮崑奉檄赴道州防禦晤劉道亦以永州爲楚南門戶當顧大局而謀者至知郴桂之賊已全注永州又同以軍事當相機宜之說進劉道始定計赴永遣營務處江忠義督帶一軍於瀟湘合流處固紮以制賊勢並防擄船下駛令都司王順慶帶勇三百先入城初七日至城下人皆驍健民心稍安初八日奈楊二軍亦至城外列營與守城兵勇作犄角勢人心益定而劉軍亦至接履橋營務處江忠義所部屯江口以缺食

不能力戰知府乃爲饋錢四千緡米數百石各軍始會合初九日望見白旗徧布山野知劉道大軍自接履橋與賊大戰獲勝偪賊營而壘然賊眾實繁有徒層層圍裹無少間知府乃以五十金付兵丁周德恆被髮鳧水渡河與諸軍訂十二日大舉出賊不意衝突掩擊知府復揮守城兵勇自後擊之賊大潰欲渡河奪路而奔適李金暘率勇來自甯遠行至香苓山突與賊遇力擊之賊猝不及防大敗自相擁擠兩岸又列礮排擊轟斃與溺死不計其數尸蔽湘水飄流不絕直至衡州下抵長沙人皆見之十三日餘眾悉遁石逆乃全股犯楚其布於二三十里外聚如蟻行如繩數日不絕我軍復分隊追賊悉獲勝凡先後殺賊數萬生擒數百人均斬之石逆及賊在後者退屯辛樂洞分

眾為二竄寶慶祁陽又分擾各縣雖東安永明江華各遭踐踏然賊已受大創去矣是役也邑紳在事者司軍儲支發則有周紹邠李榮賜李炳何若泰孫克昌督勇防堵則有曹世興程繼新屈葆欽程凌雲而趙履祥先期赴西鄉募勇三百聞警疾馳而至助守之力為多事平各分別請叙賊復由甯遠斜竄寶慶我軍躡追之所以不敢直趨衡州窺長沙者皆零陵一戰之力也

祥異

漢

哀帝建平三年僵樹三月復起

五行志零陵有樹僵地圍丈六尺長十丈七尺民斷

其本長九尺餘皆枯三月復起立故處

後漢

零陵縣志

卷十二 事紀

祥異

十一

世祖建武十年十二月大流星如缶出柳西南入軫本省志

行志舊志入之蓋以永州主軫十一度也惟兼及冀軫者不載

肅志建初三年獻芝草

常人在府志漢章帝建初三年零陵人

五本長者尺有四五寸短者七八寸莖葉紫色太守沈

耶

四年甘露降

常在王元弼並云降泉陵洮陽冷之道始安蜜

五年獻芝草

宅上元弼志云芝生周服

八年黃龍見

其伏二大如今馬見零陵大泉如駒無角相與戲

舊府志零陵湘水去邑七里曰燕室邱臨水有狹山其下崖淦深不測二黃龍見長十丈身大於馬舉頭顧望狀如小龍燕室邱民皆見之去龍可移時復入水中

和帝永元七年八月水士金三星在軫十二月三星合軫

陽嘉四年閏月朔日有食之史官不見零陵以聞

蜀漢

後帝延熙二年吳主赤烏二年春三月甘露降宋書引元

九年赤烏九年冬十一月彗星見軫長一尺積百五十日滅晉書天文志書魏主芳正

始七年

十六年吳主亮建興二年冬十一月彗星見軫百九十日乃滅

炎興元年吳主休永安六年夏六月黃龍見見吳曆是歲漢亡

吳

寶鼎三年春正月彗星見軫青白色晉志泰始四年正月景成

鳳凰三年冬十月有星孛於軫晉天文志

晉

世祖太康元年春三月白鹿見秋七月縣令蔣微獲白鹿

零陵縣志

卷十二

事紀

祥異

十二

以獻宋志王元弼志作三年七月

九年黃龍見芝草生王元弼志云時沈林為太守

惠帝元康六年夏大水八年秋復大水

懷帝永嘉九年秋九月湘州地震

東晉

中宗大興二年夏四月地震王元弼考災祥

三年冬十一月木連理生王元弼誤作十一年

成帝咸和四年五月白鹿見獲以獻

康帝建元元年秋八月丁未太白犯歲星在軫

穆帝升平元年夏六月太白晝見軫

五年春三月月犯填星在軫

太和帝四年閏月乙亥月暈軫

孝武帝太元十四年秋九月太白晝見於軫

十九年秋七月荊州大水傷稼遣使賑卹之九月景寅太白見於軫

安帝隆安三年桓元叛荊州

桓元之國在荊州詣刺史殷仲堪行至鶴穴逢一老公驅

青牛形色瓌異足傳二為尾兩共頭身八元以所乘牛易取乘至零陵涇溪駿駛非常息駕飲牛牛入江水不出後元敗

元興二年雞生角雌雞化雄

義熙元年秋七月太白晝見在軫

宋

文帝元嘉元年秋八月獻嘉禾異畝同穎

冬十二月丙辰白象見

大明元年夏六月白雀見獲以獻

明帝泰始二年夏六月白燕見獲以獻

零陵縣志

卷十二

事紀

祥異

十三

齊

世祖永明五年夏六月甲子歲星蓋見在軫度

隋

高祖開皇元年得瑞石理成楊樹

王邵傳永州得石影剖為兩段有楊樹之黃

根紫葉

唐

失位十一年

周武聖長壽三年改延載元年

秋九月壬午朔日有食之在軫十八度

軫十八度

元宗開元九年九月己巳朔日有食之在軫十八度

貞元二年秋八月朔日有食之在軫八度

八月丁丑歲星太白辰星聚於軫

憲宗元和元年春正月地震二年大水郡人唐履昌獻古

鼎重百二

四年江螭為患柳宗元有愬螭文見本集愬螭本無歲月

知可

七年火災日夜屢發三月乃止八年夏復災有怪鳥自火

出司馬柳宗元率人除之宗元有逐畢方文見本集

十四年秋八月丁丑太白辰星歲星聚於軫

文宗太和六年冬十月太白熒惑填星聚於軫

開成三年冬十月乙巳彗星見於軫魁長二丈餘西指

武宗會昌二年夏六月熒惑犯歲星於軫占曰旱

僖宗乾符三年秋九月乙亥朔日有食之在軫十四度

明宗天成三年秋九月辛巳金火合於軫五代史司天考

宋

零陵縣志

卷十二 事紀 祥異

十四

周恭帝顯德三年太祖建隆元年冬十月壬申太白熒惑相犯於軫

乾德三年文氏女子化為丈夫一作二年事

太宗太平興國二年淫雨舊府志是年淫雨平地水深數尺

八年獻六日龜舊府志王元弼蔣濂各志俱云至道元年零陵復獲六眸龜一

雍熙二年秋七月丙戌熒惑與歲星合於軫

淳化元年春正月辛巳客星出軫宿逆至張七十日經四

十度

夏四月監軍廨芝草生知州克憲以聞蔣濂志作監庫

四年春二月保安津舍火州門焚宋五行志津舍火飛三過江燒州門又民屋

百餘家

大中祥符四年冬十一月丁巳有星出太微郎位東色赤

有尾迹至軫北迸為數星没

天禧二年春正月大風雪

王元弼志云江溪池魚皆凍死宋五行志大雪六晝夜方止

風發屋拔木數日止

三年夏六月軍營火延民舍數百區

仁宗天聖七年春二月己卯夜蒼黑雲貫軫分

皇祐元年春三月庚子星出軫西南速行沒於翼

至和二年旱

時郡守柳拱辰禱之卽雨

四年夏五月己酉星出大角至軫沒

五年秋閏八月己亥太白犯辰星在軫冬十二月己卯夜

漏未上星出軫至氐側沒

八年春正月辛酉星出軫赤黃色東南速行入庫樓沒

神宗熙甯元年夏四月壬寅星出軒轅南如太白東南慢

行至軫沒赤黃有尾迹六月乙巳星出軫東緩出入濁沒

零陵縣志

卷十二事紀

祥異

十五

青白有尾迹照地明

三年春三月己未星出軫北如太白西北慢行至明堂沒

赤黃有尾迹

七年六月甲戌蒼白雲起西方長三丈貫軫角太微

冬十月丙子星出軫東如杯流至濁沒赤黃有尾迹照地

明

八年冬十月乙未星出軫度中如填青白丙申西北生芒

長三丈指軫若彗

元豐三年夏五月戊辰星出軫中如太白西速行至濁沒

赤黃有尾迹照地明秋七月癸未彗出太微垣郎位南白

氣徑丈指東南在軫度中

哲宗元祐元年春正月癸丑透雲星出近軫南如太白東

南急流至濁沒青白有尾光燭地

三年春正月辛巳星出軫南如杯急流至濁沒赤黃燭地
元符二年夏五月小旱

崇甯三年夏四月戊甲星出軫如杯西北慢流入太微垣
內屏星沒赤黃有尾跡明燭地

大觀元年夏四月辛未星出軫如盂向西南慢流入濁沒
青白有尾跡明燭地

宣和二年夏四月邑民劉思析薪有天下太平字

五年春二月星出北河如杯東南流至軫沒赤黃有尾跡
照地明

欽宗靖康元年二月丙辰星出北河如太白東南流至軫
東沒赤黃有尾跡照地明

零陵縣志

卷十二

事紀

祥異

十六

南宋

高宗建炎三年春二月壬午月食於軫

紹興二年夏四月壬申月暈於軫

三年春二月大疫

四年春三月壬戌日暈於軫

二十年秋九月戊子熒惑與太白合於軫

二十五年秋九月壬申太白填星合於軫

二十六年秋七月庚申熒惑填星合於軫壬戌太白與熒
惑填星合於軫

三十年冬十二月戊申白氣出尾入軫貫天市垣

孝宗隆興元年冬十一月庚寅星出軫急流向東南騎官
星沒赤黃有尾跡大如木星

乾道二年夏六月丙子星出角急流至軫沒有尾跡大如
太白色赤黃

淳熙元年冬十月乙丑太白歲星合於軫

二年夏六月丙寅熒惑歲星合於軫

六年旱

七年秋大旱饑

通考四月初九月不雨至於九月

又螟

三年秋八月乙亥朔日月五星聚於軫

十四年夏四月癸未歲星填星合於軫

甯宗慶元元年民產子首有角腋有肉翅

二年秋八月民舍火燔三百家

嘉泰三年大饑死徙者眾民多剽盜

嘉定七年春三月壬申星出軫宿距星東南慢流至濁沒

零陵縣志

卷十二

事紀

祥異

十七

十五年夏五月丁丑熒惑歲星合於軫

十六年春疫大饑有螟三月詔發米賑之

秋九月庚子朔日食於軫

淳祐四年秋九月癸丑熒惑填星合於軫

十二年秋七月庚寅太白熒惑合於軫

元

世祖至元二十一年冬十月己酉太陰犯軫

大德十年秋七月饑減直糶米

仁宗延祐元年夏六月饑發廩減糶賑之

二年秋七月霖雨江漲沒田稼出米減糶

冬十一月丙午客星變爲彗犯紫微垣麻軫至璧十五宿

三年夏五月饑發米賑糶

文宗至順元年秋七月螟食稼

惠宗順帝元統二年秋八月乙巳孛星出紫微行至軫

至正十二年大旱

十四年大旱

二十七年春二月乙丑城中晝晦如夜既而大雨雹逾時

方明

明

太祖洪武十四年秋縣署前榴二株有連結四五實而並

蒂者

成祖永樂七年夏火舊志明年復火

英宗正統十四年秋九月壬寅太白填星熒惑聚於軫

景帝後稱宗景泰二年秋九月庚申太白熒惑填星聚於軫

零陵縣志 卷十二 事紀 祥異 十八

天順二年饑

武宗正德二年慶雲見於翼軫

四年秋九月夜雨桂子舊志桂子狀如早莢子堅如石叢蔚處獨多或云婆羅樹子取種子

葉吐如橄欖長五六寸即萎不湖載其通狀

八年大水傷稼

世宗嘉靖元年夏五月大水入城廬舍田禾滄沒幾盡

十六年夏五月澇傷稼此事王元弼蔣濂皆書十五年丁酉按丁酉乃十六年也後以庚子

為十八年辛丑為十九年皆誤今改正

十八年大旱時永守趙儒禱雨立應

十九年大水二十年又大水

三十七年秋有黑青舊府志王元弼志誤作三十府志新

陵災祥先是黑氣從道懼夜不敢臥金鼓所起聲徹夜忽月忽猿觸之多死居民惶懼夜不敢臥金鼓所起聲徹夜忽月

止餘乃

萬曆七年旱

八年大饑

十七年大旱

死無數府縣
煮粥賑之

二十年五月五日競渡人立浮橋如蝘橋斷盡溺

二十二年大旱

二十五年大水入城

舊府志云城
中通舟楫
皆沒三日
夜乃退

二十六年秋七月火

是時焚府
城高山寺

二十九年黑眚復見三月乃止

舊府志誤作
二十八年辛
丑按府志

冬大火日數十起

井時延燒數
千家文昌等
廟俱燼觀中
一

取之俱斃市人謝姓下取屍復不出掘之身
已糜矣豈陽氣下伏火後有熱焰觸人耶

零陵縣志

卷十二

事紀

祥異

十九

三十年大旱

四十四年春夏蝗復大水

四十五年蝗夏四月復雨桂子

四十六年夏四月日中有黑子秋九月乙卯蚩尤旗見於

東南東至軫西入翼一十九日而滅冬十月彗星見三十

四日

舊府志彗形如
刀漸巨後漸微

四十七年蝗冬十月雷

熹宗天啟四年夏大旱有譎火日數發譙樓災燔民舍數

百戶多死於火

莊烈帝

亦稱毅宗烈帝
懷宗端皇帝

崇禎三年夏六月大旱

四年地震

十三年地震大水秋九月望兩日出沒

十五年六饑知府貸米富民以賑詔蠲逋糧

十六年大疫

丙戌夏大旱

丁亥春大風拔木

夏四月雨雹損麥大饑

王元弼志時斗米萬錢之疑誤石米道

六月火是月守吏居民俱遁城內空

國朝

順治五年聞天裂有聲

己丑六年夏五月大水

壬辰九年春淫雨夏大旱饑民食竹實

癸巳十年冬大雪四十餘日不止民多凍死

十一年大有年

零陵縣志

卷十二

事紀

祥異

二十

十四年旱饑

十六年夏五月大火兵營民舍皆燼秋九月大疫

康熙元年春三月雨米色黑食之已疾冬十二月大火

舊志

是月二十九日火燔黃葉渡飛過愚溪橋災如宋咸淳四年事

三年秋旱冬十月彗星見於翼軫麻十七宿月餘乃止

四年春民饑竹盡實如麥民食之多活夏大旱

七年春正月白虹見越二日乃滅二月復見

王元弼志正月

夜見於申方二月初七夜復見

十二年冬十月有譌火畢方鳥復見

十四年冬李實如豆

十六年夏蝗食稼殆盡

十七年春二月雨雹大風拔木

十九年冬十一月彗星見踰月乃滅

二十年春淫雨夏旱冬十月雷鳴

二十一年春三月雨雹夏五月大水傷稼

二十二年秋大稔

二十五年歲饑

二十六年大旱

二十七年歲歉粟貴

三十年秋大稔

四十五年秋大稔

五十二年湘水漲溢米貴

五十三年夏旱秋七月甘雨降禾菽仍大稔

五十九年秋大稔

零陵縣志

卷十二

事紀

祥異

二十一

雍正三年甘露降松樹

省志

乾隆十二年夏大水衝塌民屯田地

二十五年夏旱

詔賑卹之

是年先已散賑後復加賑二月

冬梅結實

三十年米貴

三十四年九月大雨雪魚鳥皆凍死

四十三年大旱饑

四十四年蟲傷稼

四十五年自九月不雨至明年三月

省志

四十七年春三月地震山谷多坼裂

五十年四月不雨至於七月

五十二年地震

五十六年冬大凌

五十九年夏大水入城民居漂蕩禾稼盡沒巡撫姜晟勘
奏 詔加兩倍賑卹之浸時城可通舟楫巡撫臨勘具奏
嘉慶三年冬大凌木介

六年夏米貴

七年自四月不雨至七月

十二年夏四月不雨至於秋七月

十三年夏米貴每升錢六七十文發粟減糶

十五年秋饑

十八年有女子化爲丈夫

十九年春正月雷大雪夏米貴民多疫

道光元年春正月大雪平地高五六尺夏淫雨甚寒民多
疫秋有年

零陵縣志

卷十二

事紀

祥異

二十二

四年夏大水

六年夏大水樹木廬舍多順流漂下

七年秋有年

八年春正月雷大雪夏小旱秋有年

九年夏大水

庚寅縣前街火頭門內外皆燬知縣王景章以民居近署
圍去數十家

辛卯夏日色忽暗望之若有兩日相盪磨狀月餘沒

乙未夏數月不雨蝗飛蔽日歲大饑斗米五百餘

戊戌冬大街火延燒三百餘家

丙午大西門外附郭數十家火

庚戌歲饑

咸豐元年十二月有白鳥數千飛集治平門外洲上一洲皆白旣更飛集白蘋洲樹頂望若積雪久之乃去識者以爲兵戈之象明年粵逆入境四年八月二十二日有白鳥數千向西飛去首尾相銜結成一白龍日光照耀鱗鬣宛然未幾有西鄉土寇之變

四年冬十月上辛里桐樹發新枝作刀兵形

七年旱饑秋蝗自北至遺卵入地次年三月蝗出食秧苗官紳捕焚並修章醮一夕大風雨蝗盡滅

八月月夜西北方青氣一道如虹三夜乃息八月彗星見西北方光射丈餘一月始滅

十年大街火自永安門至鼓樓延燒數百家

十一年北鄉大木口月夜有物自天而下色白狀如牛而零陵縣志

卷十二

事紀

祥異

二十三

大墜田中激水高丈許趨視之陷一穴深不可測又有狐入城自縣署前至正街凡強健者皆爲所迷恣其採取數月始滅跡

同治元年秋日方午有大星墜於西鄉雷家冲田中大如斗而圓色白其聲匍匐久之化爲水

二年北鄉唐某家有二女妖据其樓令某日供一雞並其童媳執役否則怒欲火其廬有時曼聲度曲了了可聽其族紳其多隱慝欲以衣冠恐之比入門妖則大聲詬詈盡發其覆紳窘而去數月妖亦杳

三年民家雞翼多爲邪術翦去未幾雞亦自斃剖之胃有小蛇大饑斗米錢八百

四年三月十一日大風拔樹單江某婦攜子山行爲風吹

至隔江石崖上幸無恙東鄉油草塘一屋亦吹去數里雹大如卵

五年小西門內火城樓皆燬知府黃文琛捐修之
六年麻江單江多虎傷人二百餘 北鄉大木口小木口雨雹深山中雨水塊有狀如觀音者

七年北鄉郭有利家母彘產三子一爲肉團一兩頭一身
一一目夏有虎自城北闕處入總兵朱洪章礮斃之
十年南鄉涼水井張氏治屋基其地忽現一穴中出白氣
三日乃盡次年二月門首田水噴激高丈許如相鬪狀
十二年五通街火燬數十家五月初小木口雨雹秋七月
黃楊司冷水市火延燒數百家

十三年大旱饑知縣嵇有慶設轉運局稟免穀稅商船雲
零陵縣志

卷十二

事紀

祥異

二十四

集米價轉賤又捐廉籌貲散賑自十一月始賑至次年二月止

光緒元年冬十一月初一日雷鳴雨雹